

四庫全書

史部

欽定四庫全書

史部
吳興備志卷十二

詳校官編修_臣曹振鏞

檢討_臣德生覆勘

覆校官主事_臣龔敬身

校對官主簿_臣汪日贊

謄錄舉人_臣張光熙

欽定四庫全書

吳興脩志卷十二

明 董斯張 撰

人物徵第五之五

倪偁字文舉號綺川居士南渡時居東林登紹興進士
任承議郎太常年五十二卒贈少師所著有綺川集十
五卷子恕愿思並登進士第

恕字行甫淮東撫幹愿字添甫知建平恕子祖淳字

子孟亦登進士

東林
山志

倪思字正甫試禮部侍郎兼直學士院韓侂冑先以書致殷勤曰國事如此一世人望豈專以潔己為賢哉思報曰但恐方拙不能徇時好耳遂入見論言路不通自呂祖儉謫徙而朝士不敢輸忠自呂祖泰編竄而布衣不敢極說又言蘇師旦贓巨萬當戮皇甫斌李爽秦世輔潰將皆罪大罰輕又士大夫寡廉恥有列拜門要稱門生不足甚至于恩父者侂冑大怒思既退謂侂冑曰公明有餘而聽不足堂中剖決如流此明有餘為蘇師

旦蒙蔽此聰不足也周筠與師旦並為奸利師旦已敗
筠尚在人言平章騎虎不下之勢此李林甫楊國忠晚
節也侂冑悚然曰聞所未聞司諫毛憲劾思予祠侂冑
殛除權兵部尚書兼侍讀求對言大權方歸所當防微
一有干預端倪必且仍蹈覆轍侂冑雖誅而人言猶有
未靖者蓋以樞臣猶兼宮賓不時宣召宰執宜同班同
對樞臣亦當遠權以息外議樞臣謂史彌遠也金人求
侂冑函首命廷集議思謂有傷國體既與金講解中書

議表賀有以和成為二府功欲遷秩者思執不可乃止
尋以忤彌遠求去以寶謨閣直學士知福州彌遠拜右
丞相陳晦草制用昆命元龜語思嘆曰董賢為大司馬
冊文有允執厥中一言蕭咸以為堯禪舜之文長老見
之莫不心懼今制詞所引此舜禹揖遜也有如蕭咸者
讀之得不大駭乎乃上省牘請貼改麻制下分析彌遠
遂除晦殿中侍御史即劾思藩臣僭論麻制鐫職而罷
思性剛介不苟合嘗言與其為有瑕執政寧為無瑕從

官故慶元嘉定之間屢召屢出名重天下

宋史

思子祖仁字子蒙通判南劍州祖禮字子簡知金谿縣
祖智字子大監丹徒縣事祖信字子誠充福建幹辦公
事祖義字子由思次子知無錫縣編吳興分類詩集三

十卷

東林
山志

倪祖常字子武思第六子有學行淳熙中中博學宏詞
科嘉定壬午四月自毘陵易守徽州先州民困于和糴
郡計二萬斛強無為有人所勿堪祖常惻然加念屢牘

申省事得寢凡興利除害去灾致順甦通道之衢廣賑
乏之廩創嘉賓之館新明刑之宇宣布令條而民興行
誼出入阡陌而農務耕桑教化所闢悲意奉行有古循
良之風治最上聞士民茹德累官朝散大夫華文殿脩

撰兼禮部侍郎

東林
山志

沈偕字君與號太清子東老之子登進士歷左宣德郎
終知池州宣德縣

東老沈氏之老自謂也湖人因以名之其子偕作詩

有可觀者

東坡題東
老菴詩集

沈友直字伯益偕之子以太學上舍中賢良方正孝廉
等科政和中賜第授潁昌府教授教道有方執經席下
成就才能者甚衆考課為諸路最子長卿

沈脩字誠中東老曾孫賢而才雖貧有守挺挺得祖風
上

沈長卿字文伯雪川人乾道改元信州判官編西漢總

類二十六卷

趙希弁郡齋
讀書志別記

沈清臣字正卿烏程人紹興丁丑進士因上書極論諫官不當用歸正人語侵時宰貶封州放還隱居城南號晦巖初書屋以來四方學者召入遷至皇子嘉王府翊善丐祠即所居治圃築亭揭閣目曰潛溪多所諷詠後以秘閣脩撰終于家

西吳里語

沈清臣紹興末知封州政尚簡易一介不取風節凜

然人望而畏之謂不媿其名云

廣東志

淳熙十六年二月庚寅詔中書舍人羅點具可為臺

諫者黜以葉適沈清臣等八人上之宋史

沈度字公雅德清人紹興間令餘干政有三善田無廢
土市無閒居獄犴無宿繫民謳歌之以考功郎中除直
秘閣知平江府乾道二年七月召赴行在上曰甲申之
歲委卿守吳門未幾治行昭著果如朕所料可謂得人
又詢吳中歲事如何具以豐穰對上曰二年以來水澇
軫憂惟恐懼修省以百姓為念耳度奏臣初到郡水魴
艱食荷陛下捐四萬石馬料以賑濟全活甚衆上曰正

賴良守措置漢宣帝所謂與我共理者其惟良二千石乎即以爲中書門下省檢正諸房公事四年又以直龍圖閣知建寧府是時朱子在崇安爲屬吏創立社倉均糴脩貸度乃以錢六萬緡助其役倉成民賴之朱子爲記其事又知臨安府仕終兵部尚書

范成大吳郡志王
鏊姑蘇志及維揚

志

衢按驂鸞錄謂過德清往過公雅考室而揚志謂爲播曾孫不知遷在何時錄又謂公雅素傳過庭所教

常有知止易足之說不知指何人宋史傳銖錫而不傳公雅何也

劉坦之字平子吳興人淳熙初知歙縣勤于催科撫字之任作知縣廳壁記慶元二年六月以朝請大夫知台

州三年十二月除河北路提舉常平茶鹽

徽州志赤城舊志天台詩

續集

嘉定二年正月丁巳章良能自御史中丞除中大夫同知樞密院事六年四月丙子章良能除參知政事

章文莊少好雅潔性滑稽居一室必汛掃巧飾陳設琴書或譏其無遠志一日大書素屏曰陳蕃不事一室而欲掃除天下吾知其無能為矣識者知不凡後居兩制

登政地

齊東野語

章文莊公以右史直禁林時宇文挺臣紹節為司諫指公為謝深甫丞相之黨出知溫陵既而公入為言官遍歷三院為中執法時挺臣以京湖宣撫使知江陵府入覲除端明殿學士挺臣懷前日之疑不敢拜文莊識其

意乃抗疏言公論出一時之見豈敢以報私憾乞趣紹節就職未幾公亦登政地

上

章文莊參政與其兄宗卿雖世家五馬而清貧自若少依鄉校與沈丞相該之家學相連章日過其門沈氏少年與客坐于廳事時方嚴冬二章衣掩脰沈哂之曰此人會着及時衣客傲之曰二章才學鄉曲所推不可忽也章亦微聞之既而兄弟聯登第駸駸通顯沈氏之屋適有出售者宗卿首賈之以居焉

癸辛
雜識

良能字達之吳興人即癸辛雜識中所謂章參政文莊公也城南有嘉林園良能宋史不為立傳兄良肱字翼之亦舉進士歷宗卿攷宋史呂午傳有浙東提舉章良朋者當亦文莊羣從耶良能子叔恭倅襄州見齊東野語良朋為施宿壻適康侯以寫本癸辛雜識見示多會稽商氏刻本所未載者得此一條快甚

詳填微

良能吳興人史傳靡可攷無弁陽老人書幾與草同腐矣著述之不可已如是張按宋史史彌遠初革韓侂冑

之政召還正人良能與樓鑰婁機同執政當亦一時佳士史家不為立傳何也

章良朋字益之慶元三年為旌德尉嘉定中為慶元刺史兼權沿海制置使司公事時留呂午在幕海波未平問策安在午廉知調軍出海糧盡即還軍獲寇物官盡拘收乃與制置司幹官施一飛議糧盡再給不許擅還賊舟所有悉以給軍海道遂清紹定元年三月以朝奉大夫直寶謨閣知平江府七月致仕

見宋史寧國寧波姑蘇三志

談鑰與文莊兄弟同于淳熙時登第而文莊又為周
密外大父其為湖人無疑矣括紀亦列之選舉豈其
先本括人自其父駒來湖耶駒紹興十八年進士見
考亭登科錄為寧海尉上虞令見臨海紹興兩志良
肱嘉定間福建轉運司判官見八閩通志江西提刑
見海亭四六知臨安府見杭志

元衢

趙時逢遜可為贛州守贛妓朱雲楚警慧知書趙嘗會
客果實有炮栗趙指之曰栗破縫黃見坐客屬對皆莫

能楚輒曰妾有對取席間藕片以進曰藕斷露絲飛趙

大奇之

贛州志注漢東人當是寄貫

時逢宗室孝光間知仁和縣

杭州府志

蔣南金字汝貴德清人淳熙八年登第嘉定中知容州興學校立貢院在任三年日以教養為事未嘗有逸豫

游樂之好

梧州志

俞徵字子清汝尚玄孫以清介自持所至有治聲為刑部侍郎丐休除寶謨閣待制放意泉石創圃于南門之

外去城二里許與小浮玉山相對號曰無塵時以扁舟
往來飲酒賦詩自樂焉

談志

吾鄉前輩俞且軒侍郎善墨戲竹石為人寶重然人
知其能畫而不知其為人因書其概于此侍郎名徵
因伯祖閣學字居易恩入仕中刑法科短小精悍清
淡簡約樂易無嵯岬而居官守正不阿其為福建檢
法陳丞相帥三山治盜過嚴一日驅數十囚欲投諸
海徵白其長曰朝廷有憲部而郡國無憲臺可乎力

爭之因命閱實遂為區別戮者黥者各若干陳始怒而後喜其有守悉從之且薦以京秩為刑部郎日有鄉豪素以俠稱為時所畏殺人誣其奴獄上駁之請自鞠豪因得其直光宗壯之即日除大理少卿然竟為豪擠去又常德有舟稍程亮殺巡檢宋正國一家十二口累歲始獲乃在寧廟登極赦前吏受其賂欲出之徵奏援太祖廟戮范義超故事以為殺人于異代既更開國大需猶有所不赦况亮乎于是遂正典

刑後權刑部侍郎以待制致仕家居十年乃終年七十八且軒其自號也俞氏自退翁起家七十而納祿至徵凡五人且皆享高年有園池琴書歌舞之樂鄉曲榮之後余得竹石二紙于故家葉如黍米亦奇潤自成一家上題印居易戲作蓋閣學侯所為也因知子清戲墨有所自來此亦人所未知者因表而出之

齊東野語

沈誦字宜之以大父與求廕補京秩鎖廳賜出身紹熙

初光宗嗣位歷官左右司直轉運兩浙本路舊無試闈
詵于抱城北隅列屋三百楹歲減官錢甚夥奏蠲德清
稅務錢二萬四千緡初至漕額才十八萬緡去之日至
六十餘萬進太府卿榜所居曰歸來開禧中謁告家居
已十年矣召起歸班時韓侂冑議大舉詵論中興與創
業不同今以所當保之基異不可必之功宜審所處莫
若脩修以觀變臺臣謂其動搖國論予祠去更化初召
除刑部侍郎遷戶部尚書

德清誌

沈誥淳熙間知臨江軍嘗買民坵以廣貢院又翻刻

二劉春秋傳權衡意林于郡學宮

臨江府志

葛公謙問文康公孫也魁然重厚古君子宦情世故皆

應以無心文米外著深契禪悅終倅毘陵葛名郊

清波雜志詳白

法志郊
吳興人

葛郭淳熙間知興化軍事

八閩通志

郭淳熙七年以朝奉郎通判潤州

鎮江府志

葛邛字楚輔吳興人高祖密至邛五世登科第大父勝

仲至邨三世掌詞命邨少警敏以廩為上元丞登第除
國子博士輪對論州縣受納及驚爵之弊又論征推歲
增之害上召令條陳邨以六事對皆切中時弊除侍御
史論救荒三事累遷給事中除刑部尚書邨為東宮僚
屬八年孝宗書安遇二字以賜又出梅花詩命邨屬和
眷遇甚渥光宗受禪除參知政事又除知樞密院事紹
熙四年拜左丞相專守祖宗法度薦進人物博采公論
惟恐其不聞之嘗曰十二時中莫欺自己其實踐如此

贈少師諡文定

宋史

寶慶二年三月戊寅建昭勲崇德閣趙普曹彬薛居正石熙載潘美李沆王旦李繼隆王曾呂夷簡曹瑋韓琦曾公亮富弼司馬光韓忠彥呂頤浩趙鼎韓世忠張浚陳康伯史浩葛邲後益以趙汝愚凡二十四人皆圖形其上

通鑑

沈介字德和德清人歷中書舍人以次對知平江召歸上疏甚剴切條言敵必為患明年敵犯兩淮乃以兵部

尚書為荊湖制置及再知郡上諭以平江輔郡極難其
人知卿政事特加遴選當為朕撫恤百姓均財節用使
恩威並施為佳如常平錢米以脩凶荒訓兵令精不必
增補至于兵器亦令堅緻其眷遇如此

沈介紹興二十七年十二月以左朝散郎知台州為

政有聲雨暘禱輒應

赤城舊志

黃中字通老副沈介使金還累遷權禮部侍郎中之
初還也言金治汴宮必徙居見迫宜早為計上矍然

宰相顧謂中曰沈介歸殊不聞此何耶居數日中白
宰相請以妄言待罪湯思退怒語侵中已乃除介吏
部侍郎徙中以補其處

宋史

沈介乾道四年以顯謨閣學士守信郡前此趙師嚴
在任時州兵嘗欲援往例有所求不獲遂聚謀亂後
雖散府庫以撫之復反側不安介代至誅首領二人
餘皆安堵歲饑賑貸有方民得不死是歲六月移知
溧州去之日老稚扶攜行數十里涕泣不能舍

廣信府志

王正功為荊湖轉運主管時尚書沈公介為帥尤簡貴威重裁決無敢輒經外臺者理或未安君改之不疑沈公更加倣異不以為忤也沈公更薦之又為延

譽

樓攻媿王
正功墓志

公知紹興十二年貢舉考博學宏詞科得洪遵沈介洪适以所試制詞進讀上曰是洪皓子耶父在遠能自立此忠義報也遂以遵為秘書省正字介适並為勅令所刪定官自中興以來詞科登選即入館自是

科始

程克俊
家傳

吳興沈文炳堯夫有聲國學養親不仕嘗作論語解周

必大序之

平園
續稟

李元吉湖州人淳祐間知福清頗以師儒自任為人仁
明峭直不可干以私始視事每日二百餘狀未期月惟
三狀時劍建盜起他處隅官練兵盡激其變獨福清晏
然監司亦不之責嘗曰吾為政惟容吏革一二人故一
時雁鶩棄逐殆盡易簣之際惟以憫雨恤刑為念對妻

子無私語

八閩
通志

章謙亨字牧叔吳興人紹定間知鉛山為政寬平人號為佛家置像而祀焉其興養學士禦盜安民禮賢表俗蠲賦救荒之績邑人勒之章巖識不忘云

鉛
書

謙亨于嘉定十七年知泰興縣見維揚志嘉熙三年朝請大夫直秘閣浙東提刑兼知衢州

見衢
志

章燮嘉泰四年浙東提刑開禧二年知紹興府劉宰任

浙東判官時有謝章倉燮舉改官啟

劉漫
塘集

朝廷與金人約和金人約函致韓侂冑首詔令臺諫侍從兩省雜議黃疇若與章燮等奏乞梟首然後函送敵國人譏其有失國體

宋史

朱應元字見則歷監察御史崇政殿說書首劾時宰去之後為丁大全所忌被論左遷復除監察御史升右文殿侍講會星變賈似道當國衆畏縮莫敢言應元極陳時政以起居舍人斥歸

安吉志

周頤字元吉歷左右司郎中直龍圖閣福建轉運使有

適菴集百卷與楊萬里程大昌洪邁諸賢倡酬詩二卷

安吉志

紹興四年鄭丙以正奉大夫致仕時史丞相浩沈詹事樞右司郎中周頡與丙皆同年進士退休于二浙

詩筒倡酬人競傳之

周必大鄭丙神道碑

周祐字子受自長城徙居武康以春秋登進士第沉靜寡交不事表暴恬熙若布素無仕進心丞相留正葛邲以文行薦于朝除諸王宮教授以疾力辭累敦促赴闕

卒不就

兩浙名賢錄

朱煥文字實甫弱冠有聲胄監時馬碧梧為相擇壻于六館得煥文曰可妻也以其女歸之初署迪功卽後以湖州教授致仕屬文敏麗尤善詩有北山藁若干卷

吉安志

朱天錫歸安人父喪哭泣廬墓三年有司聞于朝旌之

歸安志

錢几字君憑號圃翁游心儒術學有源委為一鄉士夫

冠冕徵辟不起凡邑士之登科者第其榜籍為圖以獎
勵後學尤長于詩有云上若溪頭老圃家一瓢沉醉是
生涯之句著詩集三卷

臧衍長
興志

陳晦字自明中童子科繼中博學宏詞科仕至刑部侍
郎兼中書舍人有文集三十卷

陳璧字君玉一字起度官至大理寺丞知秦州撰本縣

廟學瑞芝記見存刻石著詩文一百卷

並上

朱震字震之號坦齋幼穎異從父官青陽晦菴先生一

見奇之比長受教于袁潔齋之門義理精洽一日友人
與論持敬震曰只須言存誠論顏子未達一間曰體以
心其間自見歲晚笑傲林泉燈夕里人招之勿往謝以
詩曰賴有半牕知己月已多一點讀書燈聞者傳誦

吉安

志震有益泉
集三十卷

趙善養字浩然居武康十九歲登進士再中法科官至
朝奉大夫子汝成汝忱俱登第

勞志

趙浩然宋宗室德昭之後博學能詩為人個儻一時

豪傑多與之遊舉授春坊授經郎嘗與大都文衡出

判吉州有善政

長興志

趙彥博字富文居武康之上陌太宗八世孫登進士第
守郡持節俱以能稱遷工部侍郎子贊夫孫時逢俱登

第

勞志

閔康侯云南渡以來太宗後尚有人也思陵舍本宗
而登秀邸何耶或云天命有在

趙伉夫字尊道雪川人開禧乙丑知上高縣內腴而外

瘠政尚慈恕不忍橫斂民懷愛之目為趙佛子踰年政

成事理入為樞密院承旨官至浙東提刑

江西通志
上高志

陳振孫字伯玉安吉人藏書數千卷各為解題讐勘精

覈鄱陽馬端臨多採其語成書提舉浙西舉行萬戶傳

廢醋庫邦人德之管攝興化篆折獄平允時皆服其得

法之意焉

姑蘇志參癸辛
雜識文獻通攷

朱泰湖州人家貧鬻薪養母嘗適數十里外易甘旨一

日雞初鳴入山及明憇于山足遇虎搏攫負之而去泰

已瞑眩行百餘步忽稍醒厲聲曰虎為暴食我所恨母
無托爾虎忽棄泰于地走不顧如人疾驅狀泰匍匐而
歸母扶持以泣泰無恙里人目為朱虎殘

宋史
新編

王圭字君玉范成大外孫也父邁字德遠安吉人依妻
家以居登進士終通判太平州圭于父卒忍貧力學孝
于其母嘉定十年登第主松陽簿以才幹就升為令行
經界井井有條至今版繪其式制行于天下為經界者
準則後知常州入為司封郎終朝散大夫自號靜觀有

文集十卷其居官廉家無餘貲死無以斂子敏學強學俱以主廕歷任亦以廉謹聞

姑蘇志

程覃字會元文簡公季子提舉西浙常平茶鹽權沿海制置司事嘉定六年蒞任以東錢湖它山堰灌漑甚溥每患湮圯始置田租以所收歲給浚導者撥錢及田造器服以勸學蠲海錯果蓏之征以惠民凡公府廨舍城郭戎器倉場橋道以至鄉飲器具纖悉畢脩人服其整十年知臨安府紹定四年知紹興府終司農卿集英殿

修撰兄準知慶元府阜通判廬州

徽杭寧紹四
志白願龜

周甫字正甫安吉人寶祐四年知新昌縣事剛正明敏
不畏強禦時丁大全引用汙吏預令州縣上供備舉手
誓天曰甫頭可斷決不為新昌開此例上命督責益急
甫持之愈確當時咸以頑令目之其後他州縣被害積
五六年不已而新昌以甫故獨免云秩滿攝監察御史

忌者諷臺臣劾去公論惜之

紹興
府志

為立言嘉泰初知邵武軍事為治清廉明決

八閩
志

芮及言字子及嘉泰三年知上高縣政事精勤容貌嚴厲一縣憚之號為小監司嘗書所坐屏後少飲酒加餐飯勤出解公事辦蒞官四年終始如一上

壺徵字慎之雲巖令德之六世孫也嘉定間為舒州通判致仕歸濟王竑愛幸之王為史彌遠所害徵同死焉見西山廣記曾捨粟五百石以濟鎮人

烏青志

吳淵字道夫嘉定中第進士差浙東制置使司幹辦公事丁父憂詔以前職起復力辭勿許再辭且貽書政府

曰冒哀求榮平生大節掃地矣他日何以事君時史嵩之方起復或曰得無碍時宰乎淵勿顧詔從之歷江西安撫使會歲大侵講行荒政全活者百萬人復知鎮江平江兼浙西兩淮發運使歲亦大侵因淵全活者又百餘萬人進沿江制置使三郡屯田使朝廷付淵以光豐蘄黃之事凡勦司空山燕家山金剛臺等大砦三小砦二十有一團丁壯立隊伍無事則耕有警則禦詔以淵興利除害封金陵郡公累官參知政事卒贈少師謚莊

敏淵有才畧迄濟事功所至興學養士然政尚嚴酷好興羅織之獄籍入豪橫故時有蜈蚣之謠其弟潛亦數諫止之所著易解及退菴文集奏議

徽州府志

吳潛字毅夫淵弟也舉進士第一歷左丞相許國公元兵渡江攻鄂州別將由大理下交趾破廣西湖南諸郡潛奏今鄂渚被兵湖南擾動推原禍根良由近年奸臣貪士設為虛議迷國誤軍其禍一二年而逾酷附和逢迎嬖阿諂媚積至于大不靖臣年將七十捐軀致命所

不敢辭所深痛者臣交任之日上流之兵已踰黃漢廣
右之兵已蹈賓柳謂臣壞天下之事亦可哀已又論國
家安危治亂之原蓋自近年公道晦蝕私意橫流仁賢
空虛名節喪敗忠嘉絕響諛佞成風天怒而陛下不知
人怨而陛下不察稔成兵戈之禍積為宗社之憂乞令
大全致仕沈炎等與祠不報屬將立度宗為太子潛密
奏云臣無彌遠之材忠王無陛下之福帝怒竟以炎論
劾落職尋責授化州團練使循州安置潛預知死日語

人曰吾將逝矣夜必大雷風已而果然至四鼓開霽撰遺表作詩頌端坐而逝景定三年五月也德祐初贈少

師

宋史

吳淵吳潛皆生長德清非流寓也潛死時焚青詞以告天為詩曰夫子曳杖逍遙曾子易簣兢戰聖賢樂天知命吳子中庸一線又曰生在湖州新市鎮死在循州貢院中一場雜劇也好笑來時無物去時空

德清

新志

吳璞字禹珉號覺軒許國公長子登淳祐四年進士第授校書郎除嘉興府通判添沿江鎮撫使信賞必罰將士用命大敗元人兵于泗州及知鎮江治城導隍嚴于守備邊患永息寶祐六年除吏部尚書掌左選與丁大全不協嘆曰吾不能為梁成大呂惠卿遂抗章丐閒文天祥稱其有揚休山立之韵日光玉潔之襟

德清新志

屠瓚字元卿好讀書潔行舉明經當理度時國事日舛

于是托空門終身不仕別號有髮僧云

浙直分署紀事本末

沈平字東臯烏程人雅好文鄭清之吳潛皆與之游薦
于朝欲官之皆以疾辭不赴人稱為沈處士云當時里
中碑刻多出其手所著東臯遺藁若干卷烏青記四卷
行于世

烏青志

趙與訐字仲父秀安僖王四世孫以父廕調饒州司戶
參軍歷戶部侍郎東平劉震孫曰與訐于時為循吏于
朝為名臣于國為信厚公族世以為知言子孟頫孟頫
孟頫孟頫孟頫孟頫孟頫皆顯貴

歸安志

常楫字長孺武康人歷兩浙轉運使修築海鹽海宴塘
既而以集英殿修撰知平江府值旱故事郡守合得緡
錢十五萬楫悉以為民食軍餉助捐苗九萬稅十三萬
版張十六萬又蠲新苗二萬八千大寬公稅之力飛蝗
幾入境疾風飄入太湖節浮費修守庫既代有送還事
例自給吏卒外餘金萬楫悉不受吏驚曰人言常侍郎
不愛錢果然改浙東安撫使

姑蘇志

常楫浙東安撫使值水灾捐萬楫以賑之又以諸暨

被水尤甚給二萬楮付縣折運民食不至乏絕民各
祀于家會稽山陰死者暴露與貧無以為殮者造棺
以給之召為刑部侍郎平反偽獄全活甚衆

浙江通志

宋時丁氏世家吳興之安吉名曄者慶元丙辰進士官
中大夫太府少卿總領淮東軍馬錢糧生嘉定癸未進
士朝奉郎淮東制置大使司幹辦公事伯虎伯虎生儒
林郎浙西提舉常平茶鹽司幹辦公事應復應復為昭
慶軍節度掌書記王困金壻王之婦則贈朝散郎義烏

黃伯信女也伯信子朝請大夫夢炎孫承節卽堦堦以
疾廢夢炎以應復第四子後之製名曰鑄沿恩補將仕
郎宋亡丁氏家落鑄迎應復及其兄將仕郎仁以歸侍
養終身歲時為位以祭惟謹後鑄子文獻公潘貴贈堦
嘉議大夫禮部尚書輕車都尉追封江夏郡侯封鑄從
仕郎温州路樂清縣尹累贈中奉大夫江浙等處行中
書省參知政事追封江夏郡公

黃潛先考墓志銘後記
參抑貫危素宋濂二狀

碑一

衢按二丁登第不見湖志而見杭志豈文獻妄書先
世土著而諸集參互不足據哉宋時無寄貫之禁如
朱繹之端常父子本雲間人而用湖州貫莫汲葛邵
萬介本湖人而用開封處州貫可類推矣夫姚元之
為唐相系自武康潘為元學士系自安吉雖世有遠
近而功業文章不相上下且俱謚文獻為余與遐周
得之真一竒也若潘本氏丁迨貴而不請復僅拳拳
于墓中之石尤徵其厚云

牟巖字獻甫子才子也巖善為文一門父子自為師友
討論經學以義理相切磨于諸經皆有成說惟五經音
攷盛行于世

巖大理少卿按戴表元牟氏壽席詩序先生還會稽
使者節則巖當晚宋嘗守越矣

壺殺字怡樂號萬菊居士烏程人同安主簿嘉會之五
世孫也幼以孝弟稱及長不樂仕進居鄉里工詩詞有
樵雲集集中稱宋謙之或曰無名氏曰宋者不忘本也

曰無名氏者恥成名也其詞曰壺山居士未老心先懶
壺山寓姓未老心先懶寓不仕意也又曰身在玉壺邊
曰梅瘦玉壺中皆此意也龍泉章三益之師他門人之
顯者以百計有怡樂墓志檇李項襄毅乃渠孫守正之
徒事見襄毅詞林中

烏青志

顏旒字景義烏程人舉泰定四年進士官至江西行省
員外郎有能聲抽簪後日與丈人墨士唱和林泉以終
壽考晚年號竹雲怡老有歸閒集上

牟應龍字伯成歙子也應龍幼警敏過人日記數千言
文章有渾厚之氣應龍當以世賞補京官盡讓諸從弟
擢咸淳進士第時賈似道當國自擬伊周謂馬廷鸞曰
君故與清忠游其孫幸見之當處以高第應龍拒之不
見及對策具言上下內外之情不通國勢危急之狀考
官不敢寘上第調光州定城尉應龍曰昔吾祖對策以
直言忤史彌遠得洪雅尉今固當爾無媿也沿海制置
司辟為屬以疾辭不仕而宋亡矣故相留夢炎事世祖

為吏部尚書以書招之曰苟至翰林可得也應龍不答

史元

清忠公以國學博士言時政忤時宰鄭清之去國抵

吳興寓第而先生生清忠公喜字先生曰翁歸先生

子必遠必大必達必勝必昌

虞集年
公墓志

吳惟信字仲孚號菊潭湖州人寓居嘉定白鶴村以詩

鳴宋季吳老儒糜先生犇奔諸父也記問該洽九經註

疏悉能成誦然垂老不預貢籍見惟信詩亟稱之一日

遇之塗叩以近作惟信誦一絕云白髮傷春又一年閒
將心事卜金錢梨花瘦盡東風懶商畧平生到杜鵑
不覺下拜曰子真謫仙人也老夫每欲效顰則漢高祖

唐太宗追逐不少置矣

齊東野語

寶祐間李知孝為言官與曾極有隙摘極咏春詩為
謗訕押歸聽讀江湖以詩為諱者數年其後史衛王
之子宅之壻趙汝祺喜談詩引至黃中吳仲孚諸人
于是詩道復興矣

上

俞善道退翁之後從吳興徙華亭樂高尚不令子孫進
取四世孫顯始教子允應制成進士墓在佘山李至剛
銘少師姚廣孝題詩曰聚土成邱馬鬣封墓前木拱氣

蔥蘢九原不作應無憾歲有佳兒為掃松

松江新志

趙孟頫入見世祖神采煥發世祖顧之喜使坐時方立
尚書省命孟頫草詔頒天下帝覽之喜曰得朕心之所
欲言矣他日行東御墻外道險孟頫馬跌墮河僧格聞
之言于帝移築御墻稍西二丈許孟頫自念久在上側

必為人忌力請補外出同知濟南路總管府事會修世
祖實錄召還京師以翰林侍讀學士撰定祀南郊祝文
又有旨書金字藏經初孟頫以程鉅夫薦起家為郎及
鉅夫為翰林承旨致仕去孟頫代之先拜其門而後入
院人以為衣冠盛事至元二年追封魏國公謚文敏所
著有尚書注琴原樂原得律呂不傳之妙詩文清邃奇
逸篆籀分隸真行草書冠絕古今天竺有僧數萬里來
求其書歸國中寶之其畫山水木石花竹人馬尤精緻

史元

僧格者西僧善巴國師弟子黠而橫言興利口津津
涎流元主深喜之與楊總統請毀宋故郊廟以為寺
與總管府判官宋絜矩請徙宋宗室居江南者實京
師天下騷然當是時天下大權盡歸于僧格相安圖
不能禁御時理筭天下錢穀已徵者數百萬未徵者
尚數千萬民不聊生逃山林發兵捕之以稱亂會星
變集賢學士孟頫因諤爾根薩里入奏請蠲除庶天

變可彌從之詔草已畢僧格怒曰此必非帝意孟頫
曰凡錢穀可得徵者業盡徵之矣其未徵者必貧窮
無賴及是時除之他日言者倘以失陷歸尚書獨不
為丞相累耶僧格乃默然聽之民以少蘇會元主宴
居孟頫侍上問葉李留夢炎優劣孟頫對曰夢炎臣
父執其人厚重篤自信好謀能斷有大臣器葉李所
讀之書臣皆讀之其所知所能臣皆知之能之帝曰
汝以夢炎賢于李耶夢炎宋狀元丞相當賈似道誤

國罔上依阿取容李布衣乃伏闕上其罪此賢于夢
炎遠矣孟頫退謂奉御薩里曰適上論賈似道悞國
責夢炎不言今僧格罪甚于似道而我等不言他日
何以辭其責然我遠臣言必不聽上所親信無踰公
公必勉之仁者之事也薩里奮曰信知言必死不死
不足以報國會元主旼郭北薩里乘間具言之元主
怒謂詆毀大臣命衛士披其頰口鼻血湧出委地上
少蘇復呼問辨愈力曰臣與僧格故無仇所以力數

其罪不顧身者為國家耳苟畏上怒而不言則禍亂何極既而大臣有助其言者上悟遂誅僧格後薩里論及斯事嘆曰使我有萬世名者子昂之力也

西史參歐

陽玄神道碑

元世祖藏事南郊他學士撰祝冊有云章亥復生不足以步有元之幅員又云謹以太祖聖武皇帝正東南之位公曰天子父事天子誇疆里于其父不可且公不為禮乎禮太祖東向居中子孫在左者南向故

稱昭在右者北向故稱穆若南郊之位上帝南面太祖自宜西向故事第稱配天作主公不用何也其人謝服從所刊定皇太后命學士擬改降福宮名同列擬光被公擬光天或曰光天出陳後主詩不祥公曰帝光天之下出虞書何謂不祥各書所擬進後竟用光

天

歐陽玄
神道碑

趙孟頫字景魯吳興人以簽書高郵軍判官廳公事未仕宋歸于元宦情素薄浮沉里閭不求仕進日以翰墨

為娛書九經一過細字謹楷人傳以為玩喜與名僧游
書蓮華華嚴楞嚴圓覺金剛諸經皆數過明窓淨几焚
香淪茗四時花草婆娑愛賞欣然自得

松雪齋集

趙雍字仲穆孟頫之子善書畫名重當世廕授海州知
州在官期年後除集賢待制湖州路總管

淮安志

雍有二子鳳麟鳳字允文麟字彥徽

趙仲穆善書畫嘗任淮南知州有一玉帶時廉訪某
卒欲得之不從竟以是蟻之而罷其職至正中被召

入朝旨下淮安取往來案牘焚之仕至翰林待制晚

年典郡

農田
餘話

趙奕字仲光號西齋晚居吳興與崑山顧仲瑛交仲瑛稱其為人有王孫風度而無綺紈故習文敏三子長亮次仲穆仲光其季也

上

唐棣字子華歸安人從名儒善解悟章句兼習繪畫舉筆有法趙文敏一見奇之出入門下嘗以詩通郡守馬煦煦與語合未幾煦擢秋官挾之至都進薦仁宗詔繪

嘉禧殿御屏稱旨待詔集賢院遷嘉興路照磨至正五年除休寧縣尹時承平久為政者習于貪鄙廢事且賦稅不均詭名應戶雜其間棗一覈而正之及重新縣學等事見范滙虞集于文傳王譜四記世號唐休寧進奉議大夫吳江州知州致仕後起福建行省僉事而已矣年六十九著休寧藁虞為序味外味藁董為序皆傳于

世

勞志休寧志
張來儀墓碣

王方叔字壯猷與子昂善其先自盱眙徙吳興故推其

所自題其詩編云第一山人文集

松雪齋集

王子中武康人居喪廬墓詔表其門閭

元史

子中字居正元人少好學有詩名無仕進意柯敬仲
虞邵菴皆相善多唱酬有掛蓑吟三卷行于世

張復亨字剛父烏程人力學博聞仕至泰州同知時與
趙子昂牟應龍蕭子中陳無逸陳仲信姚式錢選皆能
詩號吳興八俊虞邵菴嘗稱唐人之後惟吳興八俊可

繼其音

勞志

姚式字子敬歸安人學于教繼翁浙西平章高彥敬薦

式與鄧文原陳康祖倪淵皆為儒官

志

趙子昂嘗謂人曰姚子敬天資高爽相見令人怒不

見令人思又贈詩云吾愛子姚子風流如晉人白眼

視四海清言無一塵其為子昂敬畏如此

研北
雜志

陳康祖字無逸嗜詩剡源戴表元評其詩為冰蠶火布

煤脫垢燼條然而潔云

剡源
集

予友鄧善之張仲實陳無逸皆英爽之士其言語文

字足以雄一時

松雪齋集

陳繹曾字伯敷康祖子為人雖口吃而精敏異常諸經

注疏皆能成誦文詞汪洋浩博其氣藹如也與脩遼史

官至國子助教論者謂與陳旅相伯仲云

元史參研北
雜志歐陽圭

齋戴剡
源兩集

周密宋季為國局嘗祠蜡充奉禮部郎兼太祝終義烏

令癸辛雜識參書繪
寶鑑密詳掌故

宇文公諒字子貞其先成都人父挺祖徙吳興歷同知

餘姚州事夏不雨公諒出禱輒應歲以有年民頌之以
為別駕雨攝會稽縣申明冤滯所活者衆省檄察實松
江海塗田公諒以潮汐不常後必貽患請一概免科省
臣從之遷高郵府推官未幾除國子助教日與諸生辨
析六經六館之士資其陶甄者往往出為名臣調應奉
翰林文字同知制誥兼國史院編脩官以病得告後召
為國子監丞除江浙儒學提舉改金嶺南廉訪司事
凌懋翁字師德安吉人歷嘉興路總管

勞志

鄭韶字九成吳興人能詩清麗溫重沈子厚亦郡人通

史善為詩游于樂府

鐵崖集

程邨字晉甫公許孫少有至行能文官婺源知州民懷其德致仕歸老植五柳于庭扁曰柳軒有柳退藁十卷

勞志

許德彰篤志于學自號潛齋累辟不起

茗雪野史

黃潛字晉卿本姓丁世居吳興祖應復浙西提舉曾祖伯虎高祖曄俱進士其父鑄育于義烏之黃母童氏夢

大星墜于懷有娠二十四月始生潛元祐二年進士歷
知制誥兼國史院編修官累翰林院學士兼經筵官追
封江夏郡公謚文獻潛天資介特在州縣惟以清白為
治月俸不給每鬻產以佐其費及升朝行挺立無所附
足不登鉅公勢人之門君子稱其有清風高節如水壺
玉尺纖塵勿汙然剛少容觸物或弦急雷霆若未易涯
涘一旋踵間煦若陽春潛之學博極天下之書而約之
于至精剖析經史疑難及古今因革制度名物之屬旁

引曲証多先儒所未發文辭布置謹嚴援據精切俯仰
雍容不大聲色譬之澄湖不波一碧萬頃魚鱉蛟龍潛
伏而淵然之光自不可犯所著有日損齋稟二十三卷

義烏志七卷筆記一卷

元史

黃潛為文章如澄湖不波一碧萬頃凡朝廷大詔令

多出其手京師人呼為壘口學士

李材解
醒語

晉卿早年為湖州長興吏因簿書被箠乃棄吏發憤

讀書登乙卯進士第為世名儒

農田
餘話

牟應奎字文甫吳興人子才之孫為黃巖州判官有著

政

黃巖志

魯琪琳烏程人為人古樸忠實詩文雄壯不樂仕進沈
原昭求詩法因詩示之云三百五篇風雅頌世人能讀
少人觀吟哦須得自情性雕琢返愁天肺肝春草池塘
中造化梅花香影外波瀾熟參熟究工夫到始信仙凡

共一丹

西吳里語吳興絕唱集

史台孫吳興人歷江閩兩帥幕

詳藝文

沈國祥歸安人天性仁孝篤志好修少游學浦江師事吳淵穎為高弟揭傒斯知其名會詔脩三史薦為纂修官不就隱居武康之仙臺山築一堂名曰逍遙堂優游

樂道以終其身

沈氏譜

蔣必勝字質甫號容齋長興人教授高郵池州歷慶元主簿至元丁亥創東湖書院捐田隸之至治辛酉必勝弟居仁白有司轉聞于中書得書院額益以田二百四畝祀事無闕至元乙卯蔣克明復輟田百畝歸之由是

稱義門蔣氏云

楊廉夫東湖書院記

史博字約之南潯人博極羣書尤邃于易時元世祖求

南人欲用之遠近交辟皆不就

雲汀筆談

金文質號聽雪翁性豪蕩力學好吟善恢諧隱居不仕

長興志

劉鑄字季治長興人性素剛鯁淹貫經史幼孤鞠于伯氏比長報以父禮李潛稱為純德士平生交游多名流讀書天竺山從學者百餘人母死廬于墓側孝心篤至

有仕族欲妻以女鑄曰吾窶子而得仕族女必不肯提
甕出汲以修婦道井曰之責鑄委之耶竟謝却之既歿
鄉人追悼為之流涕著有燕石編傳家

萬姓
統譜

陳潤祖東遷人宋參知政事存之孫以道德文章開發
後進若太平尉趙彥恭松江教授倪子遠徽州推官吳
本立衢州推官張安國皆其門人也潤祖中延祐甲寅
浙江鄉舉第一仕至崑山同知孫曰鑾曰禮承家學有

詩名著于時

烏程
新志

朱燦字山甫其先吉安人祖宋進士父力修嘗館甥烏程王氏因為烏程人燦篤學苦志元祐甲寅浙江鄉舉乙卯張起巖榜進士任長洲縣丞上

徐養素號素庵居士德清人縝密寡言笑切劘經史至老無倦仕元為翰林直學士與虞集同朝友善家居種德樂施名其堂曰積善未嘗挾富貴以驕人宋濂嘗有

跋積善堂記後

麻溪徐氏譜

劉仲仁字彥德晚號曲肱道人讀書務實踐為詩文不

事藻飾旁通堪輿之術善畫山水人物得之者寶之在
稠人中啍啍不肯出一語中年折其肱遂以為號人皆
惜其不果為世用仲仁不加戚則曰生余者天成余者
天曲余肱者天緣世而寧余生者天余何憾夫天其能
脫畧世慮如此

臧衍長
興志

談文禮德清人居邑南甫五齡父蚤世即知哀痛號泣
累日夜不休母潘氏矢節撫之賴以成立每伏臘享祀
必思慕哭泣成禮又念母劬勞構奉萱堂朝夕供甘旨

以營色養母亡居喪幾毀邑人閻仲彬繪圖名公題咏
盈帙鄉里稱純孝博學能詩人勸之仕文禮不屑隱居

終身

德清
新志

章同字克明又字元文號橫塘

邱吉吳興
絕唱集

韓友直字伯清號靜退老人又號介石

吳興絕
唱集

邱輔仁字友文歸安人少不樂華靡五經百氏悉究其
歸元李張氏偽平章潘元明使人召之輔仁遁至洪武

初始歸

張安國字世昌烏程人少有才名仕元為衢州路推官子溥字伯源國初授北平檢校永樂中累遷文華殿大

學士

勞志

張按嘉興志載世昌石縣尹善政碑云浙間宰令之賢必以嘉興石君為首余昔居霅上固稔聞之又聞氏譜載至順間崇順菴蘭若記亦世昌筆則世昌乃其名也

張文蔚字楫實吳興人工文章嘗為楊參謀參謀名

椿死于張士誠之難

見吳輓庵志

錢鼎字德鉉吳興人從楊廉夫讀書雲間一堂如破舟啜菽飲水力學不急以古文辭名洪武癸丑冬舉明經


任國子學錄

松江新志

嚴應雷烏程人當元末擁素封之貲孝行內篤仁恩外決脫守臣之家難周故官之廩餼拯溺解厄惟日不足

子震直官至工部尚書

流芳錄



吳興備志卷十二

欽定四庫全書

史部

吳興備志卷十三

詳校官編修_臣曹振鏞

檢討_臣德生覆勘

覆校官主事_臣龔敬身

校對官主簿_臣汪日贊

謄錄舉人_臣張光熙

欽定四庫全書

吳興脩志卷十三

明 董斯張 撰

筭禕徵第六

孔氏婦吳興人寡而有子八人皆訓以義方晝昁夜讀

漢哀帝時俱為郡守

韋昭吳志
志孔姥墩下今出之
北已載郡

晉吳興孝廉鈕滔母孫氏名瓊富春人能文章

藝文類
聚隋經

籍志

潞州沈尚書詢宣宗九載主春闈將欲放榜其母郡君

夫人曰吾見近日崔李侍郎皆與宗盟及第似無一家

之榜汝叨此事家門之慶也于諸葉中擬放誰也

吳興沈氏

相見問葉不問房

詢曰莫先沈光也太夫人曰沈光早有聲價

沈擢次之二子科名不必在汝自有他人言之吾以沈
儋孤單鮮有知者汝其不慙孰能見哀詢不敢違慈母
之命遂放儋第焉光後果升上第擢奏芸閣從事三湘

太夫人之朗悟儋亦感激焉

雲溪友議

宋沈淑雪川沈尚書之女著諧史一卷載貞女烈婦忠

僕諸軼事

說郭

湖州烏墩鎮沈氏婢其鄰里呼為施嫗婆者年六十餘
髻兩髻明其尚處子也年二十為沈氏婢會大疫主公
主母繼亡獨遺二女子十數歲無旁親可倚為生施即
傭舂旁舍或織草屨與縫紉之事得錢以給二女且教
護之至于長大擇良為配更為撫抱其子盡力奴事鎮
人皆知敬愛之每大家出遊則假守舍餘物滿前一毫
不取也至今尚在

春渚紀聞

湖州孫畧教授家婢名呂媼者服勤孫氏有年矣性謹
樸無他能但常日晨起厨中聚食器潔之聚所棄餘粒
間有落溝渠者亦拾取淘濯再于釜中或加五味煮食
之未嘗一日廢也年七十餘一日微病即告其家人曰
為我髡髮著五戒衣吾將去矣家人從之因起以左手
結印而化家人遂龕置開元寺觀者餘月了無穢氣而
髮漸生因與剃之後一月一剃上

張按范蔚宗傳李次公近世田叔禾傳阿寄施嬭婆

者不可為萬世人臣法哉呂媪拾粒為餐居然有小
物克勤之風至臨行正念蟬脫俗緣與杜黃裳何異
噫此二媪者何可以婢目之

魏國夫人管氏諱道昇字仲姬吳興之棲賢山人也夫
人天資開朗德言容功靡一不脩翰墨詞章不學而能
處家事內外整然歲時奉祖先祭祀非有疾必齋明盛
服躬致其嚴夫族有失身于人者必贖出之遇人有不
足必周給之無所吝至于待賓客應世務無不中禮合

度心信佛法手書金剛經至數十卷

松雪齋集

眉公以仲姬為邨上人想未見松雪志耳

寓公徵第七

施延沛國蘄人明五經星官風角家貧嘗詣海鹽賃作
半路亭以養母時馮敷為督郵至知其賢者下車謝請
入亭與飲食脫衣與之餉錢不受後居烏程順帝初就
徵歷大鴻臚陽嘉二年八月己巳拜太尉四年四月甲
子以選舉事策罷魏黃初中詔曰故漢先賢太尉施延

等二十四人並立忠貞之節咸脩清白之行邪佞所讒
禍及其身若有遺嗣宜顯舉之又令有司圖像以祀子
三崇清河太守咸魏郡太守憲東萊太守皆有異才董
卓聞其名將引用之皆潛匿不出憲子良官至尚書今
烏程縣西二十四里有延墓

參後漢書蕭廣濟孝子傳海鹽安吉二志

太尉沛國施延清公潔白進士許國臨難不顧名著

漢朝

陶潛集聖賢羣輔錄

黃初詔及延三子已列郡志第以延為郡人殊誤特

正之

王敬弘字裕之為宋武諱以字行元嘉三年為尚書僕射關署文案初不省讀嘗預聽訟上問疑獄敬弘不對上變色問左右何故不以訊牒副僕射敬弘曰臣乃得訊牒讀之正自不解上甚不悅六年遷尚書令固讓表求還東上不能奪改授侍中特進左光祿大夫及東歸車駕幸冶亭餞送十二年徵為太子少傅敬弘詣都上表固辭不拜東歸上時不豫自力見焉十六年以為左

光祿大夫開府儀同三司侍中如故又詣都表辭竟不
拜東歸二十三年復申前命復辭敬弘形狀短小而起
坐端方桓玄謂之彈碁八勢所居舍亭山林澗環周
脩登臨之美故時人謂之王東山文帝嘗問為政得失
對曰天下有道庶人不議上高其言上嘗使二老婢女
戴五條辮著青紋袴襦飾以朱粉女適尚書僕射何尚
之弟述之敬弘嘗往何氏看女遇尚之不在因寄齋中
卧俄頃尚之還敬弘使二婦守閤不聽尚之入云正熱

不堪相見君可且去尚之于是移于他室敬弘性貞正
先是徐羨之傅亮當朝不與來往及致仕隱吳興與子
瓚之書深勗以靜退瓚之為五兵尚書未嘗詣一朝貴
江湛謂何偃曰王瓚之今便是朝隱瓚之子秀之為尚
書又不與王儉款接三世不事權貴時人稱之後為輔
國將軍吳興太守

王韶之少有志尚當世詔命表奏輒手自書寫義熙隆
安時事大小悉撰錄位瑯琊郎中令韶之家貧好學嘗

三日絕糧而執卷不輟家人謂之曰困窮如此何不耕
答曰吾嘗自耕耳父偉之為烏程令韶之因居縣境好
史籍博涉多聞初為衛將軍謝琰行參軍得父舊書因
私撰晉安帝陽秋及成時人謂宜居史職後為吳興太
守撰孝傳一卷文集行于世宋廟歌辭韶之所製也

宋史

隱塢在安吉相傳陶弘景嘗隱處

勞志

安吉有梁周弘讓故宅弘讓之弟弘政為安吉縣令弘

讓結宇中山耽玩文史在縣南三十六里

談志

駱秘道臨安人梁安成王田曹參軍即駱牙之祖也今

長興駱灣有秘道故宅

參陳書
長興志

伏挺字士標平昌安邨人太清中客游吳興侯景亂中

卒著邇說十卷文集二十卷

梁書

唐吳珙吳頊吳崧皮光業林昇羅隱何肅韓必居于吳

興長城之八座山時號八友

此條載郡志山
川類今出之

羅隱字昭諫新安人隱本名橫凡十上不中第遂更

名少聰敏作詩著文以譏刺為主錢鏐辟為從事朱

溫以諫議召不行開平中羅紹威推為叔父表授給
事中所著江東集十卷甲乙集十卷淮海寓言讖書

五卷湘南雜橐吳越掌紀一卷

見吳越脩史
文獻通考

上人生于會稽本湯氏子聰察嗜學不肯為凡夫因辭
父兄出家號靈徹字源澄從越客嚴維學為詩維卒乃
抵吳興居何山與詩僧皎然游講益至皎然以書薦于
詞人包侍郎侘包得之大喜又以書致于李侍郎紆是
時以文章風韻主盟于世者包李以上是上人之名由二

公而颺如雲得風柯少葉張以文章接才子以禪理悅
高人風儀甚雅談笑多味

權德輿靈
徹詩集序

初靈徹在吳興居何山與畫公為侶時予方以兩髦

執筆硯陪其吟咏皆曰孺子可教

劉賓客徹上
人文集紀

賀知章一代異人天機卓絕不入名法轍迹而放意縱
適超詣縣解晚年尤縱誕極飲狂肆元和己亥知章已
百年矣往來會稽武夷吳興山水間以藥為市民賴以濟

廣川畫跋
詳藝文

賀知章字季貞會稽永興人自號四明狂客又稱秘
書外監遨遊里巷醉後屬詞動成卷軸文不加點咸
有可觀又善草隸書好事者供其牋翰每紙不過數
十字共傳寶之先是神龍中知章與越州賀朝萬齊
融揚州張若虛邢巨潤州包融俱以吳越之士文詞
俊秀名揚于上京朝萬止山陰尉齊融崑山令若虛
兗州兵曹巨監察御史融遇張九齡引為懷州司戶
集賢直學士數子人間往往傳其文獨知章最貴

參兩

唐書

顧雲大順中制同羊昭業等十人脩史雲至江淮遇高逢休諫議時劉子長僕射清名雅譽光塞搢紳其弟崇望復在中書雲以逢休與子長舊交將造門希致先容逢休許之久矣雲臨岐請書逢休授之一函甚草創雲微有感因潛啟閱之凡一幅並不言雲但曰羊昭業等擬將一尺三寸汗腳踏他燒殘龍尾道懿宗皇帝雖薄德不任被前件人羅織執大政者亦太悠悠雲嘆而已

唐摭言 雲寓吳

興見吳越脩史

鳳策聯筆三卷唐虞部郎中淮南從事秋浦顧雲垂
象撰多以擬古為題蓋行卷之文也雲咸通十五年

進士

陳振孫書
錄解題

郎簡字叔廉臨安人知明州以工部侍郎致仕年八十
九贈吏部侍郎簡和易喜賓客號武林居士導引服餌

尤好醫術有集驗方行于世

宋史

郎簡侍郎慶厯間能吏與杜岐公極相厚善簡長岐

公十餘年以兄事之既老謝事居里中築別館徑山下善服食得養生之術即徑山澗旁種菖蒲數畝歲採以自餌山中人目之菖蒲田

蒙齋筆談

張按簡與吳興六老之會安吉志亦以為州人與宋史小乖或由臨安寓苕也其子淑馮京榜進士載郡志則簡之老于吳興信矣

何遂浦城人自號韓青老農夫去非東坡薦為武學博士遂嘗寄居烏墩撰春渚紀聞十卷

書錄解題

丹陽集四十二卷後集四十二卷顯謨閣待制江陰葛
勝仲魯卿撰洪慶善序其文有所謂絕郭天信拒朱勔
慚盛章而怒李彥者蓋其平生出處之畧也再知湖州
後遂家焉

盛允升字德常其先建德人父僑直集賢院知越州官
游吳興樂其山水因家焉允升資稟端亮力學問喜為
文辭采贍蔚有吏能政和二年歷司開封戶曹朝廷方
考正徵角二聲允升上所著樂書數萬言論辨古樂府

以析用中正之法甚悉改儀曹兼大成府製造官燕樂

成徽宗命輔臣覆視允升所著精妙歷遷朝請大夫

沈與

求盛公
行狀

王升字逸老寓烏戌自號羔羊居士所居有聖采堂得

柳軒樓畧監鎮時與往還工草書殊有旭顛轉摺態度

宣和間以草書聖經上進除書錄其書尤為內廷稱賞

又兼能畫

書史參攷
魏錢惟善
飲中八仙歌題跋

張嶠字巨山襄陽人宣和三年上舍選中第歷利州路

安撫司幹辦公事以母病去官紹興中召對嶠上疏論
邊事召試除秘書省正字再遷著作郎出為福建路轉
運判官上疏畧曰古之人君其患有二不在于拒諫在
納而不能用在在于不知天下利害在知而不以為意
陛下渡江十年矣今皆以為當然而更為迂濶之事此
近于納諫而不知用知利害而不知恤也除司勛員外
郎金人敗盟上命兩省卿監郎曹各草檄獨取嶠所進
者播之四方推中書舍人升實錄院脩撰未幾右正言

万俟卨論嶠罷去後起知衢州與祠時方脩好息兵朝廷講稽古禮文之事嶠作中興復古詩以進

宋史嶠寓居武康

見郡志

張嶠為司勳郎官金人再取河南秦相皇恐上章引伊尹善無常主及周任不能者止之文以自解嶠之筆也秦德之遂擢脩注掌制而嶠具橐倉卒誤以伊尹告太甲為告湯及周任之言為孔子自言時秘書省寓傳法寺有書其門曰周任為孔聖太甲作成湯

秦疑諸館職為之多被逐然噪亦以荅檜三折肱之

語謂其貳于已未幾亦罷

文獻通考

王洋字元渤待制資深子亦以省第二名中宣和二年
甲科紹興初以右贊善命直徽猷閣歷典三郡所至有
異政官太學為博士時秦檜為丞相而直道正辭亦擯
勿用晚守鄱陽洪忠宣適自北脫歸人無敢過其居公
獨脩荅故坐事免去葉少蘊嘗為公言劉貢父為漢史
詩以為杜詩功曹非復漢蕭何為誤用事信乎公曰高

紀蕭何為主吏孟康注曰功曹也王定國猶知之詩史
豈悞哉少蘊嘆服有東牟集三十卷行于世周丞相益

公為之序

嘉定山陽志 洋居德
清之石壁山見勞志

韋嵩岳州人隨宋高宗南渡尉武康悅故鄣山水之勝因

家長興

張東沙故鄣
韋氏譜序

時氏彭城大族渡江而南居吳興者四行之卒官朝請

大夫成都運判子五人雋登進士科傑侃佐行以任入

官

張于凱贈
時起之序

胡舜陟嘗丐祠居吳興之射村子仔遂家苕溪焉

漁隱叢話

舜陟績溪人歷御史中丞廣西經畧以忤秦檜貶洪元英嘗言舜陟之得人心雖古循吏無以過也仔弟

仰亦為郎官

見談志

朱勝非自紹興四年九月罷相居湖州嘗就除知本州既而得提舉洞霄宮食祠祿八年寓天聖僧舍杜門却掃留心內典與世事相忘十四年十二月乙亥卒右迪功郎安誠曾受勝非辟為江西帥屬于佛寺飯僧自撰

疏文訛及朝政為郡守所發詔停誠官惠州編管

宋寧
輔編

年錄

秀水間居錄三卷雪川朱魯公丞相勝非寓宜春時
作秀水者袁州水名也一編之內于南渡諸公行事

貶馭無全人

清波雜志
書錄解題

曾協南豐人翰林學士肇孫也年十九以詞賦魁胄監
一上不第考古著書有行莊集行于世終朝奉大夫知
永州協始居湖之德清子南仲隆興元年進士知溫州

有惠政葛文定公邨鎮越以最列除尚書戶部郎中充
金國正旦國信使將行值憲聖慈烈之喪授館燕山凡
命宴皆請去樂及罷燕射金悉勉從尋為福建轉運副
使首廉所部疾苦良愿無擾奸無容欺歷擢刑部侍郎
集賢殿脩撰晚年意在簡默自號覺翁因以名菴好學
不倦凡所述作溫潤典雅有覺菴集子掄監嘉興府都

稅務孫仲良登仕郎

樓政
妣集

成閔字居仁邢州人靖康初應募捍金兵高宗南渡韓

世忠追苗傅及襲烏珠討范汝為皆在戎行積功至保
寧軍承宣使紹興二十四年拜慶遠軍節度使超拜太
尉主管殿前司公事御史劾之罷太尉婺州居住乾道
初聽自便歸湖州

宋史

李迎字彥將河陽人知湖州歸安縣以外艱不赴歷安
撫司機宜寓湖州新市蕭寺中手抄聖賢治心養性之
學時賦詩自樂類成百篇嘗自贊曰三仕三已應緣而
止一丘一壑倦遊而歸以子貴累贈中奉大夫子結度

吏員外郎綰平江參軍綺知如皋縣孫大成青陽尉大

雅主太平簿大均興化尉

益公李迎墓志詳藝文

濟溪老人遺藁一卷通判明州濟源李迎彥將撰永

嘉周浮沚先生之壻與先大父為襟袂集中有送先

君子越戊子秋試詩首句籍甚人言易已來蓋先君

治易故也集序周益公作

書錄解題

李結字元明河陽人迎子也慕元次山之風因以次山

自號卜築雪上扁舟黃緣韋閒鷗來相從百轉不止名

為漁社後以尚書郎奉使全蜀凡六十一郡之官吏數十萬之將士莫不欽受約束乃念舊社不置繪漁社圖周必大序之

武康寓客任公紳諫議古之從兄也靖康間失母長齋泣血以求之金人歸河南徒步走北方奉之以歸孝行上聞擢勅令所刪定官改秩主管官告院母終廬墓事之如生與世相忘久矣武康令方道訪其家列其高節于朝控懇脩至遂賜紫服聞者欽嘆風化之美

政
集 媿

黃龜年字德邵號竹溪先生福州人葬父于鄞因家焉
舉進士為殿中侍御史與諫官劉棐論秦檜檜由是罷
至再相龜年寓湖州檜據其過押回福州檜死復居鄞

寧波府志參
氏族大全

龜年永福人累官尚書左司員外郎遷殿中侍御史
會王倫來歸龜年劾檜主和悞國併劾檜黨檜與祠
龜年又奏檜厚貌深情矯言偽行上不畏陛下中不
畏大臣下不畏天下之議章凡三上遂褫檜職累遷

中書舍人兼給事中司諫唐大方希樞意論之落職

宋史

畢再遇兗州家將也開禧用兵諸將多敗事獨再遇累
有功金人認其旗幟即避之屢遷鎮江都統制揚州承
宣使驍衛上將軍後致仕居于霅

癸辛
雜識

再遇字德卿以武信軍節度使致仕贈太師謚忠毅
再遇姿貌雄傑早以拳力聞屬時寢兵無所自見一
旦邊事起諸將望風奔衄再遇遂為名將

宋史

吏部侍郎萬鍾字元亨家世錢塘自為司農卿時卜宅

于安定門橫塘

談志

衢按杭志孝行傳范鍾字元亨臨安人父居市肆貨巾幘蓄婢生鍾婢約滿去不復聞鍾浸長讀書取科第授縣尉常欲訪母無從偶經雪川見渡口茅屋中嫗單身鬻餅餌甚苦鍾感之詢其往跡皆母事也且云少傭臨安巾肆中嘗生子今傳已入官恐貧賤不相認故獨勞耳鍾徵其子所生年月日皆與已合鍾

大悲喜即拜認之。姬倉卒未敢當。鍾曰：「阿母無棄兒也。」遂具衣迎歸。後鍾綰郡符持節登華要。姬皆及享其養。意即一人以萬為范字魯魚耳。

詹體仁字元善，浦城人。光宗即位，累遷太常少卿。上以積疑成疾，久不過重華宮。體仁陞對首陳父子主恩之說。孝宗崩，體仁率同列抗疏詣重華宮，親臨祥祭，辭意懇切。寧宗登極，天下晏然。體仁與諸賢密贊趙汝愚之力也。孝宗將復土，體仁言：「永阜陵地勢卑下，非所以妥

安神靈與宰相異議除太府卿尋直龍圖閣知福州言者竟以前論山陵事罷之退居雪川日以經史自娛人莫窺其際真德秀早從其游嘗問居官蒞民之法體仁曰盡心平心而已盡心則無愧平心則無偏世服其確

論

宋史

吳柔勝字勝之宣州人登進士第調都昌簿丞相趙汝愚知其賢差主嘉興府學教授將寘之館閣會汝愚去御史湯碩劾為汝愚黨且主朱熹之學不可官師儒自

是間居十餘年嘉定初主管刑部架閣文字遷國子正業葉勝始以朱熹四書與諸生誦習伊洛之學晦而復明遷太學博士又遷司農寺丞出知隨州收土豪孟宗政扈再興隸帳下後皆為名將除京西提刑領州如故改湖北運判兼知鄂州改知太平州終秘閣修撰奉祠卒謚正肅二子淵潛各有傳

宋史

葉勝紹興初占籍新市繼娶右正言沈濬女生淵潛沈應升云

程大昌字泰之休寧人自官游去鄉里樂吳興山水之

勝而卜居焉累遷權吏部尚書謚文簡

宋史周益公集

癸辛襍識云程文簡尚書園在城東宅後又云河口

程氏園文簡別業藏書數萬卷作樓貯之

北海集二卷北海王惲季夷撰淳熙間名士寓居吳興

陸務觀與之厚善三子甲田申皆登進士擅名

文獻通考

李龔字和父苕澤人家吳興三滙之交效元白為歌詩

不樂仕進年登髦期自銘其墓云孰生予孰死予自不

知為文之徒詩之徒

佩楚軒
客談

李龔字和父號雪林有漱石吟行于世

瀧奎
律髓

吳興林憲字景思少從其父宦遊天台因留蕭寓焉初
賀參政允中奇其才妻以女孫而不取奩田貧甚為詩
學韋蘇州淳熙五年尤延之為作雪巢記又為雪巢小
集序柔櫓晚湖上寒燈深樹中汲井延晚花推窓數新
竹延之謂唐人之精者不是過

上

雪巢小集三卷東魯林憲景思撰初寓吳興從徐度

敦立游後為賀參政允中子忱孫壻寓臨安其人高
尚詩清澹古句尤佳殆逼陶謝梁溪尤延之誠齋楊
廷秀皆為之序且為雪巢賦及記余為南城其子游
謁至邑以家集見示愛而錄之及守天台則板行久
矣視所錄本稍多然其暮年詩似不逮其初徃往以
貧為累不能不衰索也

書錄
解題

李心傳字微之隆州人道傳兄也心傳閉戶著書魏了
翁等二十三人交薦寶慶二年以布衣詔為史館校勘

歷工部侍郎奉祠居湖州心傳有史才通故寔所著成
書有高宗繫年錄學易編誦詩訓春秋考禮辨讀史攷
舊聞証誤朝野稊記道命錄西陲泰定錄辨南遷錄又
有詩文一百卷

宋史理
宗紀

按宋史心傳居湖州張攷道傳性傳俱寓吳興心傳
宦跡僅判成都府四川制置司參議初未嘗蒞潮陽
也何故違其二弟萬里乘桴冒蛟鱷之險耶今南林
報國寺碑亦心傳撰性傳書宋史以湖為潮誤矣特

正之

李舜臣子心傳道傳性傳心傳官太史游吳興悅山水之秀寓于郡城即今安定書院又相度弁峯建宅營墓名其灣曰太史灣歿以道傳子獻可為嗣遂為吳興人後徙長興之東山即余姻家李澄之世清之先也閱祁主政寧龍僉憲霓劉清惠麟諸傳志得其概因意其昆弟三人偕至吾湖而郡學獨祠道傳則以今茲繁衍者乃厥子姓耳如邈所自心傳尤當入

寓賢而性傳亦未可遺也

閔元
衡

張嘗據癸辛襍識及報國寺碑正宋史之誤近得康侯所示長興李氏譜自謂差有讀書眼耳

李性傳字成之嘉定第進士歷起居舍人兼侍講疏言東周以後諸侯卿大夫皆既葬而除服秦漢之際尤為淺促孝文定為三十六日之制則視孝惠以前已有加矣東漢以後又損之為二十七日謂之以日易月則薄之至也于數百年惟晉武帝魏孝文為能復古之制而

羣臣沮格未克盡行惟孝宗通喪三年近古所獨陛下
繼之至性克盡前烈有光乞以此疏付之史館庶幾四
海同風民德歸厚累遷權吏部尚書臣寮論舜臣立廟
封爵事落職與祠淳祐中厯同知樞密院事未幾落職
與郡復與祠寶祐二年與內祠兼侍讀以觀文殿學士
致仕卒贈少保

宋史

李元綱字國紀錢塘人號百鍊真隱乾道間以上庠英
士寄居吳興之新市力學好古雖困窮撝履益堅怡然

自得不為外物異端之所搖奪撰聖賢事業圖集說三

先生西銘解厚德言行編諸書

杭州府志

袁說友字起巖建安人隆興元年登第文辭豐蔚嘗為

四川安撫使輯成都文類一書楊廷秀有和袁起巖詩

云道場山下弄山泉食菊紉蘭萬物先魏華父挽袁詩

云靈輶送無路淚洒雲溪風說友之寓苕審矣

參八閩通志成

都文類四川總志誠

齋集鶴山集五書

說友嘗知臨安平江見蘇杭二志嘗知池州見昭明

集題跋號東塘居士見瀛奎律髓

三登橋在德清袁說友與張巖王大有嘗寄居于此

後皆登第故名

德清志

張按巖字肖翁廣陵人紹興末居湖州黨韓侂冑歷
參知政事知樞密院見宋史其人無足述也王大有
平江人乾道八年進士

說友事其兄直友謹宦宦達至參知政事直友無一
錢食客輒為萬錢具費皆出參政葉水心袁公墓志

趙與憲字德淵燕王八世孫希懌第三子居湖州嘉定
十三年進士嘉熙三年直敷文閣知平江兼淮浙發運使
特置司領其事自與憲始四年郡中饑分場設粥以寓
公方萬里為人所推敬委請董役全活者數萬人寶祐
三年以觀文殿學士再守郡行鄉飲射禮于學宮復脩
飾殿堂齋廬廣絃誦以嚴教養學宮弟子為立生祠明
年兼提刑六年除江東安撫使知建康府景定元年復
知平江勾祠封周國公八月卒贈少師謚忠惠學者稱

為節齋先生

宋史參
姑蘇志

右史徐元杰暴亡程公許亟奏于朝紳中選公正明
決無所顧忌者專蒞其事分別首從必誅無赦疏入
不報物論沸騰臨安尹趙與憲奏乞置獄天府帝從
之公許繳奏與憲乃嵩之死黨乞送大理寺命臺臣
董之詔殿中侍御史鄭宋宋回懦首鼠事竟不白然

公論莫不偉公許

宋史新編
公許
寓吳興見掌故

陳貴誼字正甫福清人父宗名字景南因贅而居崑山

淳熙二年登第歷工部尚書後寓武康貴誼亦卜居焉
慶元五年進士又中博學宏詞科歷太學博士時議更
楮幣法貴誼轉對言楮券之令使奸惡得逞道路怨咨
非所以祈天永命固結人心主議者摘其熙寧新法之
語激怒時宰再遷將作監丞兼魏惠憲王府學教授遷
秘書郎出知江陰軍提舉江西常平召赴行在未至授
禮部郎官屬金人大擾淮蜀又指陳時弊彌遠滋不樂
諷言官論罷主管崇禧觀起知徽州召授司封郎官兼

翰林權宜理宗即位累遷中書舍人升兼直學士院內侍溢受恩賞輒封還詔書遷至參知政事兼同知樞密院事出帥汴洛時已移疾猶上疏力爭五上章乞歸轉四官加邑封致仕卒贈少保資政殿大學士

宋史新編
參魏鶴山

崑山志

丁大全與董宋臣表裏濁亂朝政牟子才累疏辭歸初子才在太平建李白祠自為記曰白之斥寔由高力士激怒妃子以報脫鞬之憾也力士方貴倨豈甘以奴隸

自處者白非直以氣陵亢而已蓋以為掃除之職固當
爾所以反其極重之勢也彼昏不知顧為逐其所忌力
士聲勢益張宦官之盛遂自是始其後分提禁旅蹀血
宮闈雖天子且不得奴隸之矣又罵力士脫鞵之狀為
之贊而刻諸石屬有拓本遺宋臣宋臣大怒持二碑泣
訴于帝乃與大臣合謀嗾御史交章誣劾子才在郡公
燕及餽過客為入已降兩官猶未已帝疑之密以槩問
安吉守吳子明子明奏曰臣嘗至子才家四壁蕭然人

咸知其清貧陛下母信讒言帝語經筵官曰牟子才之事吳子明乃謂無之何也衆莫敢對戴慶炯曰臣憶子才嘗繳子明之兄子聰帝曰然事遂解蓋公論所在雖仇讐不可廢也子才事親甚孝弟子方客死公安挾其柩葬安吉女弟在眉山拔其家于兵火致之安吉在吉州文天祥以童子見即期以遠大所薦士若李芾趙昴發劉被家鉉翁皆為忠義士平江守吳淵籍富民田以千餘畝遺子才皆却之身後家無餘貲賣金帶乃克塋

宋史

胡榮字宗叟歙人登淳祐四年第忤賈似道差知撫州似道嗾江西安撫魯淵子侯榮至陰圖中傷榮見幾勇退寓吳興龜溪之上似道南竄以將作大監召命下而世運新矣徒步歸歙

洪熾祖胡大監傳

陳存字體仁龍泉人太學上舍淳祐七年第三人文章政事皆有聞譽仕至兵部尚書端明殿大學士知慶元

府沿海制置使

括蒼彙紀

戴表元序陳無逸詩稱其祖龍泉公居湖即存也壽昌徐文鳳從吳興陳本齋先生存受春秋故其經學卓有源委權知象山縣以慈惠稱本齋開閭沿海辟

入簽廳咨決庶務全活者尤衆

嚴州府志

度宗時詔卿監以下薦人材將作監楊文仲薦陳存王栢等十有八人皆名士也

宋史

衛富益崇德人幼有異質識見高遠不為章句學嘗負笈往從金仁山學深探易理金卒復受業于許白雲白

雲重其器識以友處之悉究性理默識心融許卒以義
制服既而歸曰生何與草木禽獸同朽腐哉自以先世
歷蒙宋澤聞宋亡于崖山日夜悲泣設壇具祭文天祥
陸秀夫等詞並哀慘觀者無不墮泪又稱夷齊何人耶
馮范何人耶遂決意不仕隱居教授創白社書院于石
人涇春秋社日祀先聖鄉賢會布衣友賦詩講道縉紳
仕元者不得就列風度飄然士林高之至大間有司欲
薦聞不就怪其迂毀其書院遂攜仲子隱于湖之金蓋

山學者翁從所著四書考証性理集義易經集說讀書
纂要耕讀怡情等錄至治間長子迎養還故里自號耕
讀居士絕不言世務不理城市或有乞詩文者辭曰吾
欲胸中涵養德性而已有何說為嘗語諸子曰士之品三
道德為上富貴功名何足慕哉一日邁微疾取所著書
悉焚之曰吾志晦迹況玄奧處宋儒究盡安用留此糟
粕耶平生推崇儒術闢異端表裏洞徹動定坦夷接人
無貴賤親疎賢者服其德不賢者服其化卒年九十六

門人沈夢麟黃燮鄭忠相率制服奠于舊隱金蓋山私諡曰正節先生正德間劉督學瑞贊曰遠宗正學獨抱

遺忠

崇德志

史光蜀青神人嘉熙戊戌光年十二以避難遷湖州光之居湖也廣自植立遂以武科奮績官武翼郎浙東兵馬都鈐轄娶閔氏二子曰圭文故宋舉進士修職郎瑞安府司戶參軍至大間將教授平江之嘉定未上而卒曰璋文早世圭文之幼也聞母有疾痛不忍聽更以燼

熱左右臂以代痛母疾止乃已武翼嘗病累月視藥未
嘗解帶病亟哀號祈天願以已壽益父夢或告之曰感
而孝念予三齡武翼果又三年乃終娶程氏子三人台
孫歷浙閩兩帥幕闕孫由船司幕長將改除喜孫業進
士孫六人名之曰淵源澄清潤澤蓋有所識也

虞伯生
史氏程

夫人
墓誌

龐樸字夷簡謙孺玄孫宋末補春秋員家松陵賈似道
聘為塾師不赴錮不得試從方逢辰講學元初詔行臺

御史程鉅夫訪南士徵不起強至再出授翰林修撰兼
禮部時敕修宋遼金三史總裁托克托同官多北人欲統
金附宋樸曰昔曹魏有中原不附蜀漢元魏有中原不
附齊梁此綱目所以重大統也今大元繼宋統近接漢
唐遠接三代若承金統舍宋統恐非所以示廣也托克
托不從同事門人貢師道復力辨之擬轉外秩樸引歸
寓居南潯趙孟頫陳孚咸與倡和自號五湖狂叟

龐氏家乘

袁楠字伯長慶元人舉茂才異等自號清容居士寓吳

興大德間為翰林國史院檢閱官時初建南郊楠進十
議多采之至治元年遷侍講學士楠在詞林朝廷制冊
勲臣碑銘多出其手所著有易說春秋說清容居士集

勞
志

袁楠讀書吳興有清容書院臨苕溪對弁山後山題

云人同綠水長為主座有青山不計年

堯山堂
外紀

楊維禎字廉夫諸暨人舉進士署天台尹維禎為文擬
先秦兩漢詩尤名家有詔修遼金宋三史維禎作正統

辨千言司徒歐陽玄見之嘆曰百年後公論定于此矣
四海兵亂遂浪跡浙西山水間明興天下大定詔徵遺
逸之士修纂禮樂書頒示郡國維楨被召至京師肺疾

作而卒

勞志

崔復錢唐人父謙遠祖晉與趙文敏有世契之好故復
妻文敏孫仲穆女洪武六年徐大章為銘其墓且云復
有學行善繪事次子晟亦工篆隸晟字彥暉愛吳興山
水營別業一區于弁山之麓號雲林小隱大章仍為作

記蘇平章又為作雲林小隱詞

紀

藝術徵第八

神仙羽流附

姚最僧坦第二子也最幼在江左迄于入關未習醫術
天和中齊王憲奏遣最習之憲又謂最曰博學高才何
如王褒庾信王庾名重兩國吾視之蔑如接待資給非
爾家比也勿不存心且天子有勅彌須勉勵最于是始
受家業十許年中畧盡其妙

後周書

朱肱吳興人進士登科善論醫尤深于傷寒在南陽時

太守盛次仲疾作名肱視之曰小柴胡湯証也請并進
三服至晚乃覺滿又視之問所服藥安在取以視之乃
小柴胡散也肱曰古人製咬咀謂剉如麻豆大煮清汁
飲之名曰湯所以入經絡攻病取快今乃為散滯在胃
上所以胃滿而病自如也因依法旋製自煮以進二服
是夕遂安因論經絡之要盛君立贊成書蓋潛心二十
年而活人書成道君朝詣闕投進得醫學博士肱之為
此書固精贍矣嘗過洪州聞名醫宋道方在焉因攜以

就見宋留肱歎語坐中指駁數十條皆有攷據肱惘然
自失即曰解舟去由是觀之人之所學固異耶將朱氏
之書亦有所未盡耶後之用此書者能審而慎擇之則

善矣

泊宅編

王克明字彥昭樂平人徙湖州烏程紹興乾道間名醫
也魏安行妻風痿十年不起克明施鍼而步履如初廬
州守王安道風喋不語旬日他醫莫知所為克明令熾
炭燒地灑藥置安道于上須臾而蘇金使黑鹿谷過姑

蘇病垂死克明治之明日愈名聞北方張子蓋救海州
戰士大疫克明時在軍中全活者幾萬人克明頗知書
好俠尚義常數千里赴人之急初試禮部中選累任醫
官王炎宣撫四川辟克明不就炎怒劾克明避事坐貶
秩後遷至額內翰林醫痊局賜金紫

宋史
新編

凌漢章湖州人少學針灸三殺人乃棄其針于水中針
皆上浮水面漢章曰天命我矣拜而受之遂精研其術
名動天下嘗至常熟寓東海湯禮家早起聞其鄰徐叔

元家哭甚哀往問之乃其子婦以產難死叔元以為不祥將舁出付火葬漢章急止之命其夫發棺揣胸前尚微溫出針下數穴良久子下婦得生又一跛翁扶杖過之自言少多瘡瘍有庸醫誤折針膝中今杖行二十年莫能愈漢章為從肩臂上針三四穴折針從患處突出棄杖再拜而去

高坡
異纂

鄉人顧謙弘治二年五月得疾夜見金冠綠袍者踞坐梁上呼謙名曰我天醫也為謙具說致病之故又

授以數百言曰子能行此可為名醫善記之勿忘也
自是頰瘰而得耳聾至冬月往謁凌漢章求針治漢
章為針兩耳移時而愈曰子嘗為天醫傳藥乎謙驚
問所自知漢章曰大凡天醫治病傳藥耳中藥入而
氣閉故聾也謙乃具言所見曰先生神人也然謙自
病後追繹與人問答之語皆歷歷分明獨所授要言

茫然不記一字

庚巳編

吳興西湖民景養善相

詳封爵徵

于頔刺湖州行縣至長城方山其下有水曰西湖

舊唐

書于頔傳

吳菰城姬善相吾粲數歲時姬見之曰是兒有卿相之

骨粲後歷太子少傅

吳志

南宋丘叡吳興人善卜筮

詳官師徵徐孝嗣

沈立精堪輿之術自卜兆于里兆云後出宮妃今其孫

為宸妃

歸安志

以下神仙及羽流

沈羲武康人躬耕于野忽棄耕亡去家人求之不得子
孫相傳以為羽化齊永明二年歸訪舊里呼諸孫謂之
曰吾是汝四世祖在蜀以符藥治病有活人功上帝授
吾為碧落侍郎今歸以告汝倏忽不見邑人駭異建道
觀塑像以奉之宋崇寧大觀間有內庭女道官孫千霞
夢一道士披綵霞衣言曰吾武康人也在碧落中與子
有宿緣他日當遇于彼及靖康亂千霞避地南方依石
防禦防禦者家于德清之韶村始知武康為吳興也一

日石氏設醮羽衣畢集道士姜景良與焉千霞以其夢告景良曰吾邑沈羲也千霞急走羲祠瞻塑像曰真吾夢中所見也遂捐金遍施黃冠而去後千霞于富陽太元山授徒數百人年八十有九忽髭髯叢生越三年而羽化今縣有仙人渚石胡梯世傳羲登仙之處

武康志又詳見

太平廣記

陸修靜吳興東遷人宋文帝召入內殿時太后王氏雅信黃老降皇后之尊執門徒之禮

珠囊

修靜早為道士置館廬山時遠法師居東林其處流
泉匝寺下入于溪每送客過此輒有虎號鳴因名虎
溪後送客未嘗過獨陶淵明與修靜至語道契合不
覺過溪因相與大笑世傳為三笑圖宋泰始三年羽
化于京師賜諡簡寂以故居為觀

馬湘字自然杭州鹽官人也世為縣小史而湘獨好經
史攻文學治道術遍游天下後歸江南嘗醉于湖州墜
雪溪經日方出衣不沾濕坐于水上而言曰適為項羽

相召飲酒大醉方返溪濱觀者如堵酒氣猶衝人狀若
風狂路人多隨看之又時復以拳入鼻及出拳如故又
指溪水令逆流食頃指柳樹令隨流水來去指橋令斷

復續

續仙傳

馬自然每賒酒于白塔巷酒肆一日沉湎謂主人曰
吾今得仙矣所逋酒價焉敢輕償遂出囊中藥化賣

酒鐵器並為黃金即乘雲而去其橋遂名望仙

勞志

劉商彭城人家長安少好學強記精思攻文有胡笳十

八拍盛行于世兒童婦女咸悉誦之進士擢第歷臺省
為郎性耽道術逢道士即師資之煉丹服氣靡不勤切
游茅山久之復往宜興愛輦畫溪之景遂于胡父渚葺
居隱于山中近樵者猶見云吾劉郎中也而莫知所止
已為地仙矣

續仙傳

劉商泛苕雪間卜居武康上強山下

仙傳拾遺

劉誼字宜翁湖州人少登進士官至二千石

集仙傳

東林沈氏世為著姓沈思字持正號東老家頗藏書喜

賓客東林當錢唐往來之衝士大夫與游客勝士聞其
好事必過之沈亦應接不暇又能釀十八仙酒一日有
客布裘青巾自稱回道長揖于門曰知君白酒新熟
遠來相訪願一醉寔熙寧元年八月十九日也思見其
風骨秀偉碧眼有光及論古今治亂老莊浮屠理無所
不通意非塵埃中人也因出酒器數十事于席間曰聞
道人善飲欲以鼎先為壽如何道人曰酒器中惟鍾鼎
為大屈卮螺杯次之而梨花蕉葉最小請戒侍人次第

速斟當為公自小至大以飲之笑曰有如顧愷之食蔗漸入佳境也又約周而復始滿斟于前笑曰所謂杯中酒不空也回公興至即舉杯而盡乃命東老鼓瑟回浩歌和之又嘗圍碁以相娛止奕數子輒拂去笑曰祇恐碁中爛斧柯回公自日中至暮已飲數斗無酒色是夜月微明秋暑未退而蚊蚋尚多侍人秉扇驅拂偶滅一燭回公乃命取竹枝以酒噉之挿于壁間須臾蚊蚋盡棲于壁上而所飲之地洒然思欲有所叩先托以求驅

蚊之法回公曰且飲小術何足道哉聞公自能黃白之術未嘗妄用且篤于孝義又多陰功此吾所以來訪而將以發之也東老因叩長生輕舉之術回公曰以四大假合之身未可離形而頓去惟生死去住為大事死知所住則神生于彼矣東老攝衣起謝有以喻之回公曰此古今人所謂第一最上極則處也此去五年復遇今日公當化去然公之所鍾愛者子偕也治命時不得見之當此之際公亦先期而知謹勿動懷恐喪失公之真

性東老頷而悟之飲將達旦則甕中所釀止留糟粕而無餘漚矣回公曰久不游浙中今日為公而來當留詩以贈然吾不學世人用筆書乃就擘席上榴皮書字題于庵壁其色微黃而漸加黑詩曰西鄰已富憂不足東老雖貧樂有餘白酒釀來緣好客黃金散盡為收書凡二十八字已而告別思啟關送之天漸明矣握手並行笑約異時之集即揖出門凌石橋而去追躡之已不見東老歸購寫照者繪仙人像不甚肖別命圖之正操筆

忽一道者求齋延入坐坐定東老退具飯少頃竟無所見回至畫所第見壁上仙像宛然如所邁回仙人無異蓋回字者呂字也後四年中秋東老果化去神采如生家人舉棺怪其輕視之惟衣履存焉今其地有回仙觀

陸元老回仙
錄東林山志

姜景良武康人道行高潔能詩有醉蓬萊詞一章

勞志

金婆者好施茶人來啜茶金婆輒飲其餘瀝數十年不倦一異人變為癩者來啜茶金婆亦飲其餘悔而吐之

異香滿室因得仙道尸解適湖人商于楚過洞庭湖見

金婆與一道士同舟呼鄉人以雙履寄回

西吳里語

杜道堅字處逸號南谷子采石人年十四得異書師葛

蒙庵為茅山道士居武康昇元觀宋皇慶間授隆道冲

真崇正真人作覽古樓聚書萬卷

西吳里語

處逸住昇元報德觀興玄學建清規百廢具舉徒衆

悅服屬元兵南渡所在震動玉石慮燬于崑岡黎庶

懼淪于塗炭真人負矢石叩軍門見太傅淮安忠武

王于故鄉披膽陳詞為民請命王與語大悅恨見之
晚軍麾為之歛兵民社因之安堵遂使馳驛入覲帝
閣詔特委江南搜訪遺逸真人退而上疏言求賢養
賢用賢之道上嘉納焉

松雪齋集

王壽衍字眉叟號溪月有學行居德清至治初徵入京
師授弘文輔道粹德真人一時名士若虞楊范揭皆與
友善大振玄風時有浙省都事劉時中者名士也既卒
貧無以葬壽衍躬至其家弔哭撫其遺孤營其喪事乃

為墓于德清縣與已壽穴相近便于拜掃人皆服其友

義

西湖游覽志
叅德清志

沈野雲名道清德清人成祖聞其名召見令致雲物野雲舉一小餅噓之雲氣充滿一室厚賜而退初野雲奉命還鄉族親嗤之曰狂道士何處乞丐回也野雲佯不顧但懸一牌于背云賣雷雨時太守方病旱聞之曰得非沈師耶吾昔知北州得其法以救旱不受謝而逸速召之果然乃揖之以禱雨告野雲曰公故人安敢辭然

非城隍廟不可太守急延入城隍廟問須何物曰爛猪
頭陳煮酒足矣令人奉之大嚼而卧衆道士白太守師
正寐安得雨太守令問之曰酒肉未足雨豈遽降太守
又具酒肉食畢又卧道士曰時午矣師果何為野雲曰
天午耶請太守觀雨太守盛服至立庭中野雲曰公何
不弊衣太守謝不敢乃取四盃至書一雲字於其中擲
之又取三盃書雷雨二字三擲而坐使人視西北方有
雲乎曰雲矣有頃布滿四空而中天有一穴以筆灑墨

擲之倏合而雷雨大作須臾水深三尺太守曰可矣雨止太守出二十金謝不受但受米分施諸丐者退臥室中諸親前嗤之者來誦言神術野雲曰後五日雨當洗壇汝等田禾沾足否曰未也剪紙旗與之曰汝插一旗塍上以為別雨必倍之諸親爭受其旗以退五日果大雨而旗之所在點雨不集蓋以其前嗤笑故戲之野雲嘗行過金陵市中羣兒罵之曰癡道士野雲曰汝皆坐吾有粟分與汝曹羣兒信之皆不能起其父母謝之拂


袖而起沈術大抵類此

湖海搜奇

沈野雲字道寧烏程人寓鬱秀道院幼習方外學朝
廷累召禱有驗上深悅之賜三品服及湛然純一圖

書

兩浙名賢錄



吳興脩志卷十三